



REPUBLIKA E SHQIPËRISË

**BASHKIA TEPELENË
KËSHILLI BASHKIAK**

Nr. 789/13 prot.

Tepelenë, më 04, 05, 2026

V E N D I M

Nr. 35, datë 29.4.2026

**“PËR
MIRATIMIN E NIVELIT TË PAGAVE TË PUNONJËSVE TË BASHKISË SË
TEPELENËS”**

Në mbështetje të nenit 113, të Kushtetutës së Republikës së Shqipërisë, nenit 8, pika 2, nenit 9, pika 1.1, shkronja “b”, pikës 1, të nenit 51, nenit 54, shkronja “ç”, nenit 55, pika 2, të ligjit nr. 139/2015 “Për vetëqeverisjen vendore”, të ndryshuar, ligjit nr. 152/2013, datë 30.05.2013 “Për nëpunësin civil”, të ndryshuar, ligjit nr. 7961, datë 12.07.1995 “Kodi i Punës i Republikës së Shqipërisë”, të ndryshuar, nenit 113, të ligjit nr. 44/2015 “Kodi i Procedurave Administrative i Republikës së Shqipërisë”, ligjit nr. 68/2017 “Për financat e vetëqeverisjes vendore”, të ndryshuar, nenit 6, shkronja “c” dhe nenit 9, të ligjit nr. 35/2023, datë 25.05.2023 “Për kompetencat për caktimin e pagave, trajtimeve të tjera financiare dhe përfitimeve të të punësuarve në institucionet e administratës publike, si dhe të pagës bazë minimale në shkallë vendi”, të ndryshuar, vendimit nr. 328, datë 31.05.2023, të Këshillit të Ministrave “Për klasifikimin e funksioneve, grupimin e njësive të vetëqeverisjes vendore, për efekt page, dhe caktimin e kufijve të pagave të funksionarëve të zgjedhur e të emëruar, të nëpunësve civilë e të punonjësve administrativë të njësive të vetëqeverisjes vendore”, të ndryshuar, vendimit nr. 776, datë 19.12.2025, të Këshillit të Ministrave “Për përcaktimin e pagës minimale në shkallë vendi”, në vijim të relacionit të grupit të punës nr.789 prot., datë.23.04.2026,, me propozimin e Kryetarit të Bashkisë, Këshilli Bashkiak,

V E N D O S I:

1. Miratimin e nivelit të pagave për funksionarët, nëpunësit civilë dhe punonjësit administrativë të Bashkisë së Tepelenës sipas lidhjeve nr. 1 dhe nr. 2, bashkëlidhur dhe pjesë përbërëse e këtij vendimi.
2. Miratimin e shpërblimit mujor të këshilltarëve të Këshillit Bashkiak të Tepelenës në masën 10% të pagës mujore të Kryetarit të Bashkisë.

3. Efektet financiare të këtij vendimi fillojnë më 1 janar të vitit 2026 dhe do të përballohen nga të ardhurat e Aparatit të Bashkisë Tepelenë për vitin 2026.

4. Vendimi nr. 86, datë 30.11.2023 i ndryshuar me Vendimin nr 55, datë 30.09.2024, i Këshillit Bashkiak "Për miratimin e nivelit të pagave të punonjësve të Bashkisë së Tepelenës", shfuqizohet.

5. Ngarkohen Drejtoria e Ligjore dhe Shërbimet Organizative dhe Drejtoria e Zhvillimit Ekonomik e Menaxhimit Financiar, për ndjekjen dhe zbatimin e këtij vendimi.

Ky vendim hyn në fuqi sipas përcaktimeve të pikës 6, të nenit 55, të ligjit nr. 139/2015, "Për vetëqeverisjen vendore", të ndryshuar.

KRYETAR

Arben Gumeni

Lidhja nr. 1 – Niveli i pagës për funksionarët dhe nëpunësit civilë në Bashkinë e Tepelenës

Kategoria	Klasa	Emërtesat e pozicioneve të punës	Grupi i diplomës	Paga për pozicion
1	2	3	4	5
1	—	Kryetar i Bashkisë	—	246,000
2	—	Zv/Kryetar i Bashkisë	—	189,625
I	I-5	Sekretar i Përgjithshëm	1	170,000
II	II-2	Drejtor Drejtorie	1	144,525
	II-2	Sekretar i Këshillit Bashkiak	1	144,525
III	III-2	Këshilltar i Kryetarit	1	85,000
	III-2	Përgjegjës Sektori	1	85,000
	III-3	Përgjegjës Sektori/zyre	1	80,000
IV	IV-3	Specialist	1/2	75,000
	IV-4	Specialist	1/2/3	55,000
	IV-4	Sekretar i Kryetarit	1/2/3	55,000

1. Shtesa për vjetërsi në punë për Lidhjen nr. 1 llogaritet mbi shtesën e pozicionit, në masën si vijon:

- 0.6% pas çdo viti pune për 10 vitet e para (1-10 vite) dhe llogaritet mbi pagën e pozicionit;
- 0.8% pas çdo viti pune për 10 vitet e dyta (11-20 vite) dhe llogaritet mbi pagën e pozicionit;
- 1% pas çdo viti pune për 10 vitet e treta (21-30 vite) dhe llogaritet mbi pagën e pozicionit.

2. Shtesa për kushte pune për Specialistët e IT, Përgjegjës Sektori i IT, Drejtor i Drejtorisë së IT, me diploma të arsimit të lartë ("Inxhinieri: elektronike, informatike, telekomunikacioni", "Informatikë" "Shkenca kompjuterike", "Teknologji informacioni", "Informatikë



ekonomike”, “Informatikë biznesi”, “Inxhinieri matematike” dhe “Inxhinieri-matematike-informatike”, përfitojnë një shtesë mbi pagë, në masën 5000 (pesë mijë) lekë në muaj.

3.

Lidhja nr. 2 – Niveli i pagës për punonjësit administrativ

Nr	Klasa	Emërtesat e pozicioneve të punës	Paga bazë	Shtesa për vjetërsi
1	Pika 11	Magaznier, Punonjes arkive	57,000	1%
2	Pika 11	Punonjës Shërbimi	56,500	1%
3	Pika 11	Shofer	56,000	1%
4	Pika 11	Pastrues	52,000	1%

1. Shtesa për vjetërsi në punë për Lidhjen nr. 2 të jepet në masën 1% pas çdo viti pune, deri në 25 vjet, dhe të llogaritet mbi pagën bazë.

VLERA E PAGËS SË GRUPIT PËR GRUPET E DIPLOMAVE TË ARSIMIT TË LARTË

Grupi i diplomës	Lloji i diplomës	Vlera
1	Diplomë e arsimit të lartë:	
1	Master i Shkencave, Master i Arteve, Master profesional të përfituar në fund të studimeve të ciklit të dytë, me 120 kredite dhe me kohëzgjatje normale 2 vite akademike Të barasvlershme me to sipas legjislacionit të arsimit të lartë	14,000
2	Master profesional Të barasvlershme me to sipas legjislacionit të arsimit të lartë	12,000
3	Bachelor Të barasvlershme me to sipas legjislacionit të arsimit të lartë	10,000

Sekretari i Këshillit Bashkiak

Valbona Çela

Miratuar me 11 vota

Vota Pro 11

Vota Kunder 0

Vota Abstenim 0 Zbardhur me datë 04.05.2026